

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Getxoko Kultur Etxea Tokiko Erakunde Autonomoa**

Getxoko udalerrian 2022. urtean interes kulturalako jai eta ospakizunak antolatzekeo diru-laguntzak emateko oinarri eta deialdia

SARRERA

Herritarren parte-hartzea alderdi guztietan bultzatu behar da; baita ere, kultur arloko ospakizun publikoak antolatzearekin lotutakoetan, gure udalerriko bizilagunek, oro har, parte hartzerik baldin badute. Era horretan, udal jai ezberdinak antolatzea bultzatu beharreko gertaera-mota horien barruan sartzen da.

Hori dela-eta, deialdi hau argitaratu da Getxoko udalerrian 2022. urtean jaiak antolatzekeo diru-laguntzak emateko, eta hori ondorengo araudiaren arabera: Diru-laguntzen inguruko 2003ko azaroaren 17ko 38/2003 Lege Orokorra; uztailaren 21eko 887/2006 Errege Dekretua, aipatu Legearen Erregelamendua onartzen duena; eta 2004ko abenduaren 30ean egindako Osoko Bilkuran onartutako eta 2005eko urtarrilaren 24ko Bizkaiko Aldizkari Ofizialean argitaratutako Udal Ordenantza.

ARAUDIA**Lehena. — Helburua**

Deialdiaren helburua da udal jaiak sustatzea eta eskatzen duen erakundeari laguntza ematea, Kultur Etxea jarduera horren antolatzailer moduan hartu gabe. Modu horretan, aurrean azaldutakoaren ondorioz, Kultur Etxeak ez du bere gain hartuko diru-laguntza jasotako jarduera ohiko edo ezohiko moduan garatuta sor daitekeen Erantzukizun Zibileko edozein ondare-erreklamaziorik.

Bigarrena. — Diru-laguntzaren modalitatea

Diru-laguntza arruntak edo urtekoak, jaien programa edo bertako zati bat garatzetik eratorritako gastuak ordaintzeko, bai diruz, bai espezieetan lagunduta izango direnak; diru-laguntza horiek lehia bidez emango dira.

Hirugarrena. — Pertsona edo erakunde hartzailerak

Diru-laguntza eskatu ahal izango dute Getxon helbide soziala duten pertsona juridikoek (irabazi asmorik gabekoek), udal jaiak antolatzekeo proposamenak egiten dituztenek; eta Getxoko Elkarteetan Udal Erregistroan inskribatuta egon beharko dira.

Beraz, ezin izango dira onuradunak izan, Getxoko Elkarteetan Udal Erregistroan inskribatuta ez dauden irabazi asmorik gabeko pertsona juridikoak.

Laugarrena. — Diru-laguntzaren barruko jarduerak

Diru-laguntzaren xedea izango da udalerrian nolabait errotuta dauden eta/edo udalerrirako kultur aldetik interesa duten jaiak antolatzea.

Zehazki, deialdi honetan ondorengo jaiak sartzen dira:

- Algortako Inauteriak.
- Romoko Inauteriak.
- San Isidroko jaiak.
- San Juan jaiak: Zubilleta eta Andra Mari.
- Nazioarteko Paella Txapelketa.
- Santa Anako jaiak.
- Iñaki Deunaren jaiak.
- Romoko jaiak.



- Portu Zaharreko jaiak.
- Mesedeetako jaiak.
- Martin Deunaren jaiak.

Diruz lagundu daitezkeen gastutzat jotzen dira jaietako programa garatzeko beharrezkoak direnak. Ez da inoiz finantzatuko ondasun inbentariagarrien erosketa.

Programan jasotako jarduerak bertan behera utzi behar badira COVID delakoaren aurkako babes-neurri gisa, ordura arte egindako gastuak diruz laguntzeko moduko gastutzat hartu ahal izango dira.

Espezietan eman daitezkeen laguntzak VII. eranskinean zerrendatutakoak izango dira, bertan ezarritako mugekin.

Bainugelei, hesiei, mahaiei eta aulkiei dagokienez, aipatutako mugak handitu ahal izango dira, salbuespen gisa, betiere eskabidean hala justifikatzen bada, COVID egoeratik babesteko neurriak hartzeko beharrezkoa delako edo segurtasun-, osasungarritasun- eta higiene-baldintzak hobetu behar direlako, Babes Zibileko Sailak hala eskatzen duenean. Diru-laguntza emateko ebazpena onartu ondoren, diru-laguntza eskatzeko unean ez dauden arrazoiengatik eta lehen adierazitako arrazoiengatik bakarrik eskatu ahal izango da. Aldaketa ebazpen bidez onartuko da.

Bosgarrena. – Aurkeztu beharreko dokumentazioa

- a) Erakundearen Estatutuen fotokopia.
- b) Eskaera-inprimakia beteta (I. Eranskina).
- c) Ofizios eskatuko zaie Gizarte Segurantzari eta Bizkaiko Foru Ogasunari erakunde horrekin egunean dagoela egiaztatzen duen ziurtagiria, salbu eta interesdunak berriaz aurka egiten badio eta, kasu horretan, ziurtagiria aurkezten badu. Jaietan zehar egin beharreko jardueraren edo jardueren gaineko programa xehatua (III. Eranskina). Programan parte hartuko duten kultura-eragileen, artisten, taldeen edo erakundeen izenak edo identifikatzaileak zehaztu behar dira, zehatz-mehatz.
- d) Jarduera egiteko aurreikusitako gastuen eta sarrerren gaineko aurrekontu xehatua. Aurrekontu horretan zehaztuko da, halaber, jarduera horiek egiteko laguntza zein erakunde publiko edo pribaturi eskatu zaion eta nork eman duten, emandako zenbatekoarekin batera.
- e) Diru-laguntzaren xede den ekitaldiaren edo antzeko ekitaldien antolaketan izandako esperientziaren egiaztagiria. Honako agiri hauek aurkeztu beharko dira urte bakoitzeko:
 - a) Ekitaldi beraren kasuan: antolaketan parte hartuko duten pertsonen zerrenda (fisikoak eta juridikoak), programa eta aurrekontua.
 - b) Antzeko gertaeren kasuan: ekitaldiaren deskribapen-memoria zehatza.
- f) Jarduera antolatzeko behar diren gauzen zerrenda zehatza: hesiak jartzea, konexio elektrikoak, komun eramangarriak, agertokiak, e.a. (IV. ERANSKINA). Zerrenda horrek ezingo du eskatu VII. eranskinean jasotako elementu kopurua baino handiagoa (ez atalka, ez osotasunean), eta ezingo du bertan jasotzen ez den elementurik eskatu.

Dokumentuak aldatu ez diren kasuan, eskaera egin aurreko urtean Getxoko Udala edo Kultur Etxearen eskutik antzeko diru-laguntza jaso duten eskatzaileek ez dute berriro dokumentazio hori aurkeztu beharrik izango, baina eskaeran egoera horren berri eman beharko dute.

Seigarrena. – Eskaerak aurkezteko lekua eta epea

Eskaerak bide telematikotik aurkeztu beharko dira, www.getxo.eus-en dagoen Getxoko Kultur Etxeko erregistro telematikoaren bidez edo 39/2015 Legean, Administrazio Publikoen Administrazio Prozedura Erkidearenean ezarritakoa betez.



Eskaerak aurkezteko epea deialdia Bizkaiko Aldizkari Ofizialean argitaratu eta hurrengo egunean irekiko da. Epea auzo bakoitzeko jaiegun zehatza baino 45 egun natural lehenago itxiko da. Romo eta Algortako Inauterietan izan ezik, hauetan epea 20 egun natural lehenago bukatuko da. Epea kalkulatzeko kontuan izan behar diren egunak honako hauek dira:

Jaia	Erreferentzia eguna
Algortako Inauteriak	Martxoak 5
Romoko Inauteriak	Otsailak 26
San Isidroko jaiak (Andra Mari auzoa)	San Isidro (Maiatzak 15)
San Juan jaiak (Zubilleta auzoa)	San Juan (Ekainak 23)
San Juan jaiak (Andra Mari auzoa)	San Juan (Ekainak 23)
Nazioarteko Paella Txapelketa	Santiago (Uztailak 25)
Santa Anako jaiak (Areeta-Santa Ana auzoa)	Santa Ana (Uztailak 26)
Iñaki Deunaren jaiak (Algorta auzoa)	San Ignacio (Uztailak 31)
Romoko jaiak (Erromo auzoa)	Ntra. Sra. De Los Angeles (Abuztuak 2)
Portu Zaharreko jaiak	San Nicolas de Bari (Abuztuak 12)
Mesedeetako jaiak (Areeta auzoa)	Las Mercedes (Irailak 24)
Martin Deunaren jaiak (Algorta-Hezetasuna auzoa)	San Martin (Azaroak 11)

Zazpigarrena. — Baloratzeko irizpideak

Eskaerak ebazteko, ondorengo balorazio-irizpideak hartuko dira kontuan:

- Erakunde eskatzaileak gertaera edo jai hori antolatzen duen esperientzia (50 puntu). Egiaztatuko da urte bakoitzeko memoria aurkeztuz: aurrekontua, lantaldea eta egindako programa.
 - 2 urtetik behera: 10 puntu.
 - 2tik 5 urtera: 25 puntu.
 - 5 urtetik gora: 50 puntu.
- Erakunde eskatzaileak antzeko gertaera edo jaiak antolatzen duen esperientzia (15 puntu). Egiaztatuko da gertaera edo jai bakoitzeko memoria aurkeztuz: aurrekontua, lantaldea eta egindako programa.
 - 2 urtetik behera: 5 puntu.
 - 2tik 5 urtera: 10 puntu.
 - 5 urtetik gora: 15 puntu.
- Aurkeztutako egitaraua (35 puntu) Egitarauaren bideragarritasuna eta ekintzen aniztasuna baloratuko dira.
 - Jardueak norengana zuzenduta dauden (zenbat eta tipologia gehiago egon orduan eta puntu gehiago): gehienez 15 puntu.
 - Bideragarritasuna (zenbat eta bideragarriagoa izan orduan eta puntu gehiago): gehienez 20 puntu.

Zortzigarrena. — Izapidea eta ebazpena

- a) Oinarri espezifiko hauetan jasotako laguntzak emateko organo instruktorea Getxoko Kultur Etxeko unitate administratiboa izango da. Ebazpena emateko eskumena Erakundeko Presidentea izango du, aurreko paragrafoan aipaturiko organo instruktoreak proposatuta.



Elkargokidea den organoak, organo instruktorearen bidez, emateko proposamenaren egingo dio diru-laguntza emango duen organoari; hau da, Presidenteari, Diru-laguntzen inguruko 38/2003 Lege Orokorrean esaten denaren arabera.

Organo Kolegiatuaren kideak Lehendakariaren ekainaren 28ko 233/ 2019 ebazpenaren bidez izendatu dira.

- b) Ebazpena gehienez 45 egun naturalen epean emango da, eskaerak aurkezteko epea bukatzen denetik kontatzen hasita, Romo eta Algortako Inauterietan izan ezik, hauetan epea 20 egun naturalekoa izango da. Epe hori igaro eta berariazko ebazpenik ematen ez bada, diru-laguntzaren eskaera ukatutzat hartuko da, Herri Administrazioen Araubide Juridikoaren eta Administrazio Prozedura Erkidearen inguruko 39/2015 Legeari jarraiki.
- c) Diru-laguntza jaso ahal izateko udaleko zerga guztiak ordainduta izan behar dira. Halaber, ezin da bestelako betebeharrak ekonomikorik bete gabe izan. Ardura hori udalak hartuko du bere gain. Ezin izango da diru-laguntza ordaindu, itzulketa ebazpena dela eta onuraduna zorduna denean.

Bederatzigarrena. — Diru-laguntzaren zenbatekoa

Laguntza ekonomiko honetarako gehienez dagoen kreditua 227.920,00 eurokoa izango da, eta era honetan banatuko da:

Diru-laguntzen atalak	Diru-laguntza (€)
Algortako Inauteriak	14.354,91
Romoko Inauteriak	4.819,37
San Isidroko jaiak (Andra Mari auzoa)	22.557,56
San Juan jaiak (Zubilleta auzoa)	9.996,54
San Juan jaiak (Andra Mari auzoa)	948,52
Nazioarteko Paella Txapelketa	13.073,15
Santa Anako jaiak (Areeta-Santa Ana auzoa)	10.509,63
Iñaki Deunaren jaiak (Algorta auzoa)	47.036,79
Romoko jaiak (Erromo auzoa)	36.995,54
Portu Zaharreko jaiak	31.356,39
Mesedeetako jaiak (Areeta auzoa)	22.814,12
Martin Deunaren jaiak (Algorta-Hezetasuna auzoa)	13.457,48
GUZTIRA	227.920,00

Zenbateko horiek 003.00/3380-0/481.00.00 partidaren kontura ordainduko dira. Emango den diru-laguntzaren eta diruz lagundutako jarduerak izandako bestelako diru-laguntzen, diru-sarreraren edo baliabideen batuketara osoak ezin du gainditu jardueraren gastuen aurrekontua.

Diru-laguntza aldez aurretik ordainduko da, onuradunak egin behar duen justifikazioa baino lehen, diru-laguntza ezinbestekoa kontsideratzen delako jarduera garatzeko.

Gauzazko laguntzen bidez eman beharreko gehieneko zenbatekoa 180.000 eurokoa da, partida hauen kargura: 003.00/3380-0/2020000, 003.00/3380-0/2270700, 003.00/3380-0/2271200.

Hamargarrena. — Erakunde onuradunen betebeharrak

Diru-laguntzak jasotako pertsonak edo erakundeek honako betebeharrak izango dituzte:

- a) Emandako diru-laguntza garaiz eta forman justifikatu beharra.
- b) Diruz lagundutako proiektu edo programan ez sartzea:



- a) Oinarrizko eskubideetako edozein urratzea dakarten egintzak, pertsona guztien eskubide eta askatasunak errespetatzeko helburuz, eta zehazki, biktimen eta haien familiakoen mespretxua, umiliazioa edo izena galtzea dakarten ekitaldiak, terrorismoa goresten dutenak edo terroristei omenaldia egiteko edo jendaurreko sariak emateko antolatzen direnak.
- b) Udalbatzak onetsi dituen Udal Planen aurka doazen egintzak: Berdintasun Plana; Gazte Plana; Dogramendetasun Plana eta Inmigrazio Plana, etab.
- c) Animaliei tratu txarrak ematea dakarten egintzak.
- c) Aurreikusitako proiektua edo programa egitearen ondorioz sor daitezkeen erantzukizun guztiak bere gain hartzea.
- d) Programa ezta azpiegituren zerrenda ez aldatzea, Kultur Etxeak alde zuzenetik adostasuna eman gabe. Aldaketek inongo kasutan ezingo dute diru-laguntza eskaeran adierazitako xedea aldatu.
- e) Kultur Etxeak egokitzat joz gero, emandako diru-laguntza aplikatzen den egiaztatzeke eta horren segimendua egiteko jarduerak burutzea.
- f) Publizitatean eta komunikatzeko ekintzetan adieraztea proiektua, egitaraua edota jarduera Getxoko Udalaren eta Getxoko Kultur Etxearen lankidetzarekin egingo dela. Horretarako, egitarauaren kartela Kultur Etxera bidali beharko da imprimatu aurretik.
- g) Proiektuaren, programaren edo jardueraren inguruko publizitatean eta komunikazioan hizkuntza eta irudi sexistak ez erabiltzea.
- h) Erakunde kudeatzaileari dagokiona ordaintzea, eskubideak erakunde horrek kudeatzen dituen kasuan, katalogoko obrak erabiltzearen truke.
- i) Proiektuaren, programaren edo jardueraren inguruko publizitatean eta komunikazioan hizkuntza normalizaziorako irizpideak betetzea.
- j) Egitarauaren barruan ikusizunen kokalekua zehazteko orduan kale izendegi ofiziala erabiltzea.
- k) Jaiak antolatzeko eskatzailearen esku espezetan emandako laguntza bidez jartzen diren VII. eranskineko elementuak zaintzea eta egoera onean itzultzea. Edonolako kalterik izanez gero, erakunde eskatzaileak eragindako kalteei dagokien diru-kopurua itzuli beharko du.
- l) Ekitaldia egiteko eta bide publikoa okupatzeko behar diren baimenak eskatu,
- m) Diru-laguntzei buruzko azaroaren 17ko 38/2003 Lege Orokorraren 31.3 artikuluan ezarritakoa betetzea, diruz lagun daitezkeen gastuaren zenbatekoak Sektore Publikoko Kontratuei buruzko urriaren 30eko 30/2007 Legean kontratu txikirako ezarritako zenbatekoak gainditzen dituenean.
- n) COVID-19aren aurkako segurtasunari eta prebentzioari buruzko araudia betetzea, bai eta osasun publikoa babesteko agintaritza eskudunak unean-unean onartzen dituen neurriak ere.

Hamaikagarrena. — Diru-laguntza itzultzea

Jarraian adierazitako kasuak gertatzean, jasotako diru-laguntza Udalaren Diru-kutxara itzuliko da, diru-zaintza ordaintzen denetik berau itzultzeko erabakia hartzen den egunera arte sortutako berandutzazko interesak barne: 38/2003 Legearen 37. Artikulu-koak, azaroaren 17koa eta diru-laguntzei buruzkoa, eta aurreko apartaduan jasotako betebeharrak ez betetzea.

Itzuli beharreko zenbatekoa zehazteko, osorik edo zati batean, proportzionaltasunaren edo egitatearen printzipioari jarraituko zaio eta, horretarako, kasu bakoitzaren ezauzgarriak hartu dira kontuan.

Diru-laguntza itzultzeko ebazpena diru-laguntza emateko ebazpena eman zuen organo berak eman beharko du.



Dirua itzultzeko espedienteak 39/2015 Legearen, urriaren 1ekoa eta Administrazio Publikoen Araubide Juridikoari eta Administrazio Prozedura Erkideari buruzkoa, IV. Tituluan ezarritako arauak beteko ditu, eta, 15 eguneko epean interesdunari entzunaldi-izapidea emango zaio.

Halaber, ondorengoak kontuan izango dira: uztailaren 21eko 887/2006 Errege Dekretuko III. eta IV. Tituluetan ezarritakoa, diru-laguntzen gaineko azaroaren 17ko 38/2003 Lege Orokorreko Erregelemandua onartzen duena, eta Diru-laguntzen gaineko 38/2003 Lege Orokorreko II. Titulua, azaroren 17koa.

Hamabigarrena. — Zehapenak

Ezarritakoak betetzen ez diren kasuan, honako hauek aplikatuko dira: Diru-laguntzen inguruko 2003ko azaroaren 17ko 38/2003 Lege Orokorra; uztailaren 21eko 887/2006 Errege Dekretua, aipatu Legearen Erregelamendua onartzen duena; eta 2004ko abenduaren 30ean egindako Osoko Bilkuran onartutako eta 2005eko urtarrilaren 24ko BAO on argitaratutako Udal Ordenantza.

Hamahirugarrena. — Diru-laguntza justifikatzea

Jarduera burutu eta hurrengo 60 eguneko epean, dagokion justifikazioa aurkeztu beharko da:

- Memoria narratiboa: gutxienez, burututako egitaraua (V. Eranskina).
- Balantze ekonomikoa: batetik, izandako sarrerak, eta, bestetik, izandako gastuak biltzen dituen agiria.
- Zenbateko osoa ekonomikoki justifikatzeko agiriak; hau da,
 - Faktura orijinalak
 - Fakturen kopia parekatuak (Herritarrak Artatzeko edozein Bulegotan egiten da).
 - Justifikazio-kontua (VI. Eranskina).
- Diru-laguntza jasotako jarduera edo jaia dela-eta, argitaratutako liburuxka, kartel, liburu, bideo, CD-Rom eta abarren ale bana.

Justifikatzeko aurkeztutako agiri guztiek diru-laguntza emandako ekitaldi ekonomiko data izango dute.

Diru-laguntzaren zuriketa egiteko betebeharra betetzen ez den kasuan edo nahikoa ez den kasuetan itzulketa eskatuko da, Diru-laguntzen gaineko 38/2003 Lege Orokorreko 37. artikulua ezartzen dituen baldintzetan.

Hamalagarrena. — Publizitatea

Bai oinarriak, baita ebazpena ere Bizkaiko Aldizkari Ofizialean argitaratuko dira. Halaber, deialdia BDNSen argitaratuko da.

Eranskinak www.getxo.eus webgunean eskuragarri daude.

Getxon, 2021eko abenduaren 30ean.—Paula Caviedes Gil, Getxoko Kultur Etxeko, Lehendakaria den Irantzu Uriarteren aginduz